

20. december 2005

**Ilaqutariinnermut Eqartuussisoqarnermullu Naalackersuisoq
Aleqa Hammond
Postboks 260
3900 Nuuk**

Inatsisartut suleriaasissaaniittuq § 36 imm. 1 tunngavigalu uanga – Esmar Bergstrøm, Inatsisartuni Ilaasortaq, Demokraatit, apeqqutit piviusut Naalackersuisumut saqqummiuppakka inunnik isumaginninnerup ataani aningaasanik ikiutisiat assigiinngitsut atuuttut cirkulære 248-miittut ataanni annertussusai pillugit

Naalackersuisumut Apeqqut A: Pilersuinnermut tapiissutip nalinginnaasup annertussusilernerani tunngavik.

- 1) Pilersuinnermi tapiissutit nalinginnaasut, Inatsisartut aningaasanut inatsisissaannut siunnersuutissatut aalajangiunneqaraangata, annertussusiliinnermi akitsuinnermilu tunngaviit suut malinneqartarpat?**
- 2) Pilersuinnermi tapiissutit nalinginnaasut 2006-mi qanoq annertussuseqarumaarpat, akitsueriaaseq 1994-mi atorneqalersimasoq malinneqassappat?**
- 3) Pilersuinnermi tapiissutit nalinginnaasup Danmarkimi atuuttumut naleqqiullugu assigiinngissuteqarneranut suut pissutaasimanersut paasissutigineqarsinnaappat ?**
- 4) Ukiumut ikiorsiissutit tapiissutit koruuninit 10.200-nit Danmarkini ikiorsiissutit assigalugit, annertussuseqaleraluarpata Nunap karsiata aningaasartuutaanut qanoq sunniuteqalissagaluarpa ?**
- 5) Pilersuinnermi tapiissutit Kalallit Nunaanni atuuttup annertussusilernerata tunngavii piviusumik naalackersuisoqarfimmiit nalilernerqarsimappat ukiuni kingullerni ? Ullumikkut Kalaallit Nunaanni meeqqat inuusuttullu inuussutissaannut pilersornerannullu atugarisat eqqarsaatigissagaanni pilersuinnermut aningaasaartuutit annerussusiat ikiutisiap angissusianut naleqquppa?**

Peqqutigalugu:

§ 3 kaajallaatitaq 248-mi nalinginnaasumik pilersuinermit tapiissutigisartakkat annertussusilerneqarsimapput ukiumut koruuninit 9.096,00-nit. Taanna § 4, imm. 2, nr. 1 Inatsisartut peqqussutaat malillugu meeqqanik pilersuinermit meerarsiartaarnermullu atatillugu tapiissutitut pisartakkanut tunngavoq.

Paasisimavara akigititaq Inatsisartut aningaasanut inatsisisaaannut ukiumoortumik aalajangerneqartartoq siornatigut aalajangersaaneq pisarsimavoq Kalaallit Nunaannut akit najoqqutaralugit aaqqiinnermermi Kalaallit Nunaata naatsersueqqissaartarfiata aaqqiinera tunngavigalugu (tunngavik januar 1984=100), akinillu allanngvineq pisarsimavoq 1. april aamma 1. oktober, januarimi julimilu akit nalingi tunngavigalugit, taamaalilluni tapiissutit qullarneqartutik apparneqarlutilluunniit 3%-mik, 3 pointimik immikkooruteqalersarluni akit nalingat 100 qaangeraangalu qummut ammalluunniit.

1994-mi pilersuinermit tapiissut nalinginnaasoq ukiumut koruunit 8.247-uupput.

Naalakkersuisumut apeqqut B: Paaqqinninersiutit nalinginnaasut annertussusilernerani tunngavik.

- 1) Paaqqinninersiutit nalinginnaasut annertussusilernerata akitsorneratalu suut tunngavigai ?**
- 2) Paaqqinninersiutit nalinginnaasut koruuninik 4.947,00-nik qaammammut annertussuseqaleraluarpa Nunap karsiata aningaasartuutaanut qanoq sunniuteqalissagalarpa ?**
- 3) Nalinginnaasumik angajoqqaarsiat atugarisaat piviusumik naalakkersuisoqarfimmiit ukiuni kingullerni nalilerneqarsimappat, taamaalilluni paaqqinninersiutit angissusaa naalaagaaffiup ataani sullissinerup annertussusianut naleqquttuunersut uppersarneqarsinnaalissallutik imaluunniit qularnarunnaarsinneqarsinnaalissallutik ?**

Peqqutigalugu:

Paaqqinninersiutit nalinginnaasut annertussusilernerani tunngavik misissuiffigereerlugu aporfigaakka aalajangersakkat §§ 14 15-nilu Namminersornerusut Nalunaarutaanni nr. 17 1. juni 2004-meersoq, § 14, imm. 2-mi aalajangersagaasoq paaqqinninersiutit angajoqqaarsiamut nalinginnaasumut qaammatikkaartumik kingumut akiliutigineqartassasut, paaqqinninersiutillu angajoqqaarsiaasumut akissarsiatuinnaq eqqarsaatigineqarsimasut meeqqap inuusuttulluunniit pilersorneranut atugassatut isumaanngitsut aammalu paaqqinninersiutit annertussusaat Ilaqutariinnermi Pisortaqarfiup kaajallaatitaani nalunaarutaaniittoq aningaasanngorlugu tapisiatut ikiuutisiatut atussanngitsoq.

Naalakkersuisumut apeqqut C: Kaasarfimmiut atisassarsiuutissallu annertussusilernerani tunngavik.

- 1) **Kaasarfimmiut atisassarsiutissallu annertussusilernerata akitsorneratalu suut tunngavigai ?**
- 2) **Kaasarfimmiut atisassarsiutissallu aningaasartassai qanga kingullermik akitsorneqarpat?**
- 3) **Naalackersuisunut Ilaasortap kaasarfimmiut atisassarsiutissallu annertussusilernerit assigiinngissitaartumik ukioqarneq aningaasallu atugassat amerlassusaasa assigiinngissitaarneri iluaqutaasutut isigivaa ?**
- 4) **Nunap karsiata aningaasartuutaanut qanoq sunniuteqalissagaluarpa kaasarfimmiussat atisassarsiutissallu annertussusai assigiinngissitaartumik uanga imatut isikkoqartussatut siunnersuutigaluarukkit ?:**

1. meeqqat 0-miit 4-nik tikillugit ukiullit ulloq unnuarlu 36,00 kr. qaammammut 1.095,00 kr.
2. meeqqat 5-imiit 10-mut tikillugit ukiullit ulloq unnuarlu 42,00 kr. qaammammut 1.277,50 kr.
3. meeqqat 11-niit 14-inut tikillugit ukiullit ulloq unnuarlu 50,00 kr. qaammammut 1.520,83 kr.
4. meeqqat 15-iniit 18-it tikillugit ukiullit ulloq unnuarlu 66,00 kr. qaammammut 2.007,50 kr.
5. inuit 18-it qaangerlugit ukiullit ulloq unnuarlu 75,00 kr. qaammammut 2.281,25 kr.

Peqqutigalugu:

Namminersornerusut Nalunaarutaanni nr. 17-imi 1. juni 2004-meersumi, § 14, imm. 2-mi aalajangersagaasoq kaasarfimmiussat atisassarsiutissallu aningaasartai qimerlooreerlugit, apeqquteqarusulersimagama.

Apeqqutinut tamanut ataatsimut peqqut:

Apeqquteqarninni ataatsimut peqqutigivara politikkip tungaatigut oqaluuserisaq soqutigisarivara ilagimassuk, tunngaviusut tunuliaqutai akinillu annertussusiliinerup tunngavii isummerfigissallugit soqutigisarivara, akitsuinermi siunnersuutit aningaasatigut qanoq kinguneqarneri paasisaqarfiginerurusukkakit.

6. januar 2006 nallertinnagu inussiarnersumik akineqarnissara kissaatigaluarpara, 2006-mi ukiuunerani Inatsisartut ataatsimiinnissaannut siunnersuuteqarnissannut eqqarsaatima ilagimassuk. Siunnersuutillu tunniutereerneqartussaallutik 11. januar 2006.

Ulloq tunniussivissaq kingulleq ajornartorsiutaassappat, tamatumingna nalunaarfigilaarumaarparma.

Inussiarnersmumik inuulluarit

Esmar Bergstrøm
Inatsisartuni Ilaasortaq
Demokraatit